

# **PROGRAM LAWATAN ILMIAH TLDM BAGI PASUKAN LATIHAN ANGGOTA SIMPANAN (PLASTLDM) POLITEKNIK IBRAHIM SULTAN DI MUZIUM MELAKA**

Disediakan oleh : Rohana binti Hasan

06 Oktober 2016 – Program lawatan ilmiah ke Muzium Tentera Laut DiRaja Malaysia (TLDM) Melaka merupakan satu aktiviti di dalam silibus kokurikulum bagi semester satu yang bakal menceburi anggota Tentera Laut DiRaja Malaysia (TLDM). Lawatan ilmiah ini bertujuan untuk memberi pendedahan ilmu kepada pelajar dalam bidang kelautan dan perkapalan. Selain itu, program ini memberikan pelajar ilmu dan pengetahuan sebelum mendapatkan nombor anggota. Justeru itu, pelajar akan diberikan semangat dalam diri dan sejarah perkenalan ilmiah tentang TLDM ini. Pelajar juga telah diberi sedikit pengetahuan dan pengalaman oleh 6 orang senior PLASTLDM yang telah lama berkhidmat dalam ketenteraan.

Lawatan ini juga disertai oleh Pegawai Pengiring En. Mohamad Nazri bin Mokhtar yang mengetuai seramai 65 orang pelajar yang terdiri daripada bakal-bakal anggota PLASTLDM termasuk 6 orang pelajar senior yang membantu pegawai untuk memantau dan memberi serta berkongsi pengalaman kepada pelajar semester satu. Dalam lawatan ini juga, pelajar dapat membuka minda tentang pembangunan teknologi dan sejarah TLDM serta menjalinkan ukhwan dan silaturahmi antara pelajar senior, pensyarah dan pelajar semester satu.

Objektif lawatan ilmiah ini ialah memberi pendedahan kepada bakal-bakal anggota tentang peranan dan tugas TLDM, serta memupuk minat anggota untuk berkhidmat di dalam pasukan sukarela, inisiatif pasukan untuk meningkatkan pengetahuan dan latihan. Selain itu, memupuk minat anggota PSSTLDM untuk terus berkhidmat di dalam Pasukan Simpanan Sukarela TLDM dan inisiatif pasukan untuk mempelbagaikan latihan dan meningkatkan tahap pengetahuan di kalangan pegawai dan anggota PSSTLDM.

**AKTIVITI LAWATAN ILMIAH DI MUZIUM MELAKA**



Lawatan Sejarah awal angkatan laut dan Pangkat dalam TLDM



Pemakaian Uniform TLDM mengikut pangkat



Lagu Samudera Raya dan sekitar Muzium TLDM Melaka



Sesi bergambar bersama beberapa pelajar semester satu PLASTLDM PIS